



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**R. P. Petri Ribadeneiræ, Societatis Iesv Presbyteri, De  
Tribulationibus huius seculi Libri Duo**

**Ribadeneyra, Pedro de**

**Coloniae, 1604**

XIII. De alijs quibusdam medijs in tribulatione necessarijs.

[urn:nbn:de:hbz:466:1-50340](https://nbn-resolving.org/urn:nbn:de:hbz:466:1-50340)

ius natura est non prius desistere, quam totum exhauserit sanguinem) ad infectum exugendum cruorem & pristinam aegroti restituendam sanitatem, medicina loco adhibeatur, stulte profecto agit infirmus, si medico non acquiescens, nec sanguinem corruptum extrahi permittens, hirudinis potius naturam, quam medici consideret intentionem: simili plane modo, & nos miseri imprudenter & inconsiderate agimus, quando in afflictionibus nostris ab hominibus alijsq; creaturis procedentibus, earundem magis molestiam, quam Dei attendimus voluntatem, qui iisdem non secus ac sanguifugis quibusdam utitur in salutem & sanctificationem nostram. Hinc Psalter Regius ad Deum tanquam ad medicum supremum confugebat, dicens: *Eripe animam meam ab impio, frameam tuam ab inimicis manus tue.*

Psal. 16.

## CAPVT XIII.

DE ALIIS, QVIBVSDAM MEDICIS in tribulatione necessarijs.

PRæter illa quæ dicta sunt meminerit etiam homo afflictus Deum iustissimum esse redditorem promissorum, & fidelissimum suis amicis, quibus tribulationis

tionis



94 DE TRIBVLATIONE

tionis potius quam prosperitatis tempore adest, quemadmodum id ipsum varijs in locis sacrae attestantur literae; toties enim Deum in tribulatione se inuocantibus succurrisse legimus, vt citare testimonia non necessarium fore existimem. Vnum tamen illud S. Bernardi non praetercundum, qui super verba illa: *Cum ipso sum in tribulatione, eripiam eum, & glorificabo eum*, Da mihi, inquit, o Domine semper tribulationes, vt continuo mecum sis. Quisquis ergo miseris & calamitatibus molestatur, hoc sibi plane persuadeat, videlicet Deum creatorem & genitorem omnium, ita perpetuo nobis assistere, vt ne vel minimu quid patiamur quod ipse non permiserit: & quauis totius mundi potentia, & vniuersa inferni rabies contra nos insurrexerint, non tamen nec capillo nocere possint absque eius voluntate. Quapropter etsi quis manibus pedibusque ligatis super altare impositus fuerit immolandus vt Isaac: si in fiscellam scirpeam inclusus, & in carecto ripae fluminis expositus vt Moyses, si vincetus in carcere vt Ioseph; vel leonibus obiectus vt Daniel; vel in fornacem Babylonis missus, vt tres pueri; vel circumdatus a lapidatoribus vt Susanna; si in deserto prosequutus vt Dauid; vel in ventre ceti inclu-

Super  
Psal. 90.

Genes. 22.

Exod. 2.

Genes. 39.

Dan. 6. &

3. & 13.

1. Reg. 23.

Iona 2.

us v  
posi  
cu  
trib  
as, f  
trus  
erit  
dun  
psu  
tis &  
dun  
lanc  
mch  
illu  
pon  
com  
C  
ne  
lari  
em  
dun  
tus  
hit  
reli  
nun  
ille  
eue  
tepe



us vt Ionas, vel subter iuniperū in ecstasi  
 positus vt Elias, vel ab exercitu regio cir- 3. Reg. 19.  
 cūcinctus vt Elisæus, si sustentatus pane 4. Reg. 6.,  
 tribulationis & aqua angustiae vt Miche- 3. Reg. 22.  
 as, si deniq; semicoopertus vndis vt Pe-  
 trus, vel in profundū maris immerfus fu-  
 erit vt Paulus; certò tamē sciat se à Deo, *Matth. 14.*  
 dūmodo de corde puro & fide nō ficta i- *2. Cor. 11.*  
 plius implorauerit auxiliū, ad trāquillita-  
 tis & securitatis æternæ portū perducen-  
 dum; iuxta illud Dauidis: *Nam etsi ambu-*  
*lauero in medio vimbæ mortis, non ti-* *Psal. 22.*  
*mebo mala: quoniam tu mecum es.* Et  
 illud sancti Iob: *Libera me Domine, &* *Iob. 17.*  
*pone me iuxta te, & cuiusuis manus pugnet*  
*contra me.*

**Q**VINETIAM certò nobis per-  
 suadere debemus, post tribulatio-  
 nem, cælestem aduenturam conso-  
 lationem, post noctem sequiturum di-  
 em, & frigide molestique hyemi iucun-  
 dum successurum ver. Nam sicut peri-  
 tus testudinarius chordas nec attra-  
 hit nimiam ne rumpantur, nec flaccidas  
 relinquit, ne dulcem harmoniæ so-  
 num perdant: pariratione musicus  
 ille cælestis nec semper nobis prospera  
 euenire permittit, ne ob felicitatem  
 tepescentes, & ab operibus bonis  
 cessan-



cessantes suauem virtutis melodiam amittamus, nec supra id quod ferre possumus nos affligit, ne oneri succumbentes desperemus.

*Lib. 2. Epist. 51.*

Tristitia plerumque vigilia est & prognosticon quoddam sequuturi gaudij. Vnde sanctus Gregorius inquit: Si vitæ istius cursum veraciter attendamus, nihil in eo firmum, nihil inueniemus stabile, sed quemadmodum viator modo per plana, modo per aspera graditur: sic nobis utique in hac vita manentibus nunc prosperitas, nunc occurrit aduersitas. Denique alternis sibi succedunt temporibus, & mutua se vice confundunt. Dum igitur omnia in hoc mundo mutabilitatis ordo confundit, nec eleuari prosperis, nec frangi debemus aduersis. Tota ergo mente ad illum nos conuenit anhelare, ubi quicquid est, firmum permanet, ubi non mutatur aduersitate prosperitas. In hac ergo vita miro Dei omnipotentis moderamine idcirco agitur, ut vel prosperitatem aduersitas, vel aduersitatem prosperitas subsequatur: quatenus & humiliati discamus quicquid deliquimus flere, & iterum exaltati aduersitatis memoriam quasi humilitatis anchoram in mente teneamus. Idem omnino docet Seneca dum ait: Natura hoc

*Epist. 107.*

quod



quod vides regnum per diuersas mutati-  
ones & vicissitudines tēperat. Nubilo se-  
reua succedunt. Turbantur maria cum  
quieuerunt. Flant inuicem vēti. No item  
dies sequitur. Pars coeli confurgit, pars  
mergitur. Ad hanc legem animus noster  
aptandus est: hanc sequatur, huic pareat:  
& quaecunque fiunt, debuisse fieri putet:  
nec velit obiurgare naturam. Optimum  
est pati, quod emendare non possis: &  
Deum, quo auctore cuncta proueniunt,  
sine murmuratione comitari. Hic est ma-  
gnus animus qui se Deo tradidit: at con-  
tra ille pusillus ac degener, qui obluſta-  
tur, & de ordine mundi malè existimat,  
& emendare mauult DEOS, quàm  
se.

Quis ergo tribulationem non magis  
fructuosam & salutarē dixerit prosperita-  
te, quando quidem hæc superbia & fastu  
quodam animum inflat, illa autem do-  
lore purificat, hæc extollit, illa humiliat  
& deprimat, ex hac sui ipsius generatur  
obliuio, ex ista Dei procedit recordatio,  
in hac à bonis cessamus operibus, in illa  
pro antea actis satisfacimus delictis, & a-  
nimus à maioribus præseruatur, deniq;  
utilitates & fructus tribulationis tot ac-  
tanti sunt, vt homo admirari eos neque-  
at, dummodò benè ijs vti nouerit.

E

Præ-



Præterea fortissimum & efficacissimum  
 omnium aduersus tribulationis impetu  
 remedium fuerit, attenta & diligens vi-  
 tæ ac mortis Saluatoris nostri conside-  
 ratio, nec non & sedula ipsius patientia  
 & clementiæ imitatio. quid enim homi-  
 ni miserrimo & abiectissimo terræ ver-  
 miculo, quid inquam graue, quid mole-  
 stum esse poterit, dum intuetur ac recor-  
 datur Deum hominem factum, in es-  
 quam assumpserat carne salutis nostræ  
 causa cruci affixum? quæ non toleraret  
 homo pro proprijs, qui Dominum glo-  
 riæ tanta pati videt pro alienis? Hinc ait  
 Apostolus: *Ideo que & nos tantam habentes  
 impositam nubem testium: deponentes om-  
 nne pondus & circumstans nos peccatum,  
 per patientiam curramus ad propositum nobis  
 certamen, aspicientes in auctorem fidei, &  
 consummatorem Iesum, qui proposito sibi  
 gaudio sustinuit crucem, confusione contem-  
 pta, atq; in dextera sedis Dei sedet. Recogi-  
 tate enim eum qui ealem sustinuit à peccato-  
 ribus aduersus semetipsum contradictionem  
 ut non fatigemini, animis vestris deficientes.  
 Nondū enim vsq; ad sanguinem restitistis, ad-  
 uersus peccatū repugnantes: & oblitistis con-  
 solationis, quæ vobis, tanquā filijs loquitur,  
 dicens. Fili mi, noli negligere disciplinā Do-  
 mini; neq; fatigeris dū ab eo argueris.* Hæc  
 D. Paulus.

Hebr. 12.

Pro. 3. 11.

Postre



Postremò considerandū fœlicitatē  
 & beatitudinem patriæ cœlestis, quā per  
 ærumnas & tribulationes acquirimus,  
 multis partibus huiusce vitæ calamitates  
 & misérias excedere, quemadmodum i-  
 dē Apostolus attestatur, dicens: *Existimo Rom. 4.*  
*enim quod non sunt condignæ passiones huius*  
*temporis, ad futuram gloriam quæ reuelabi-*  
*tur in nobis.* Et alibi: *Id enim quod in præ-*  
*senti est momentaneum & leue tribulatio-*  
*nis nostræ, supra modum in sublimitate æter-*  
*ni gloriæ pondus operatur.* Nam sicuti  
 impetuosum traicientes torrentem,  
 non aquæ cursum attendunt, ne verti-  
 gine conturbentur, sed vel cælum aspici-  
 unt, vel terram solidam contemplantur:  
 ita & nos in hac vita degentes, ne turbu-  
 lentis & furiosis tribulationum flucti-  
 bus commoti, pacis & tranquillitatis ani-  
 mę patiamur detrimentum, retractos à  
 sæculi vanitatibus oculos in cælum fige-  
 re debemus, in terram scilicet firmam,  
 stabilem, securam, & perpetuum habita-  
 culum electorum.

Impij præterquā quòd fructus & utili-  
 tates commemoratas, omnemq; spem re-  
 tributionis & præmij amittāt, etiā poenas  
 per impatientiā sibi acquirūt æternas, &  
 huiusce vitæ calamitates & molestias ag-  
 grauāt, q̄ cū necessariò velimus, nolimus



*Lib 2 de  
Consol.*

tolerandæ sint, tantò leuiore videbuntur, quantò eos libentius pertulerimus nam, vt ait Boëtius. Beata fors omnis est æquanimitate tolerantis. Neq; enim fors vlla adeò grauis atq; difficilis, quæ non vtilissima & saluberrima homini fuerit dummodò patienter eam tolerauerit, contra verò nullæ tribulationes ita leues ac paruæ sunt, quæ non fastidio sufferētis intolerabiles efficiantur, quia impatientia ipsa per se onus importabile censetur.

Magnæ profectò prudentiæ est moderare seipsum, & animum ærumnis variè deiectum erigere, debilitatum corroborare, oppressum consolari, & per alicuius libelli lectione, sanctorumque Patrum doctrina reficere: adhæc etiam cum amicis & viris sapientibus conuersari, honesto ac vtili exercitio callas vires redintegrare, & supradictis tam corporali- bus, quàm spiritualibus remedijs corporis & animæ operari salutem.

*In suis medi-  
di. at.* dico ergò necessarium esse, vt homo miserijs vndique circumuallatus totum se voluntati sapientissimi & supremi medici tradat, dicens cum sancto Augustino: Domine hic seca, hic vire, vt in æternum parcas. Igitur quoniam nos ipsos corporalibus medicis credimus, penes quos

quos e  
onibu  
qualit  
ti nos  
lestim  
mitter  
fat infi  
perfe  
na,  
Deo p  
testate  
terqua  
rit nol  
fident  
illi.

S. Fe  
dem C  
vincu  
vix æ  
cis ad  
fers de  
dita f  
ment  
ferte  
tunc i  
sanct  
Mart  
cum e  
ges  
hat; o



quos exigua fides est, qui que in purgationibus & potionibus suis medicinarum qualitate & quantitate abutentes, ingenti nos dolore afficiunt; cur non magis celesti medico nos nostraque omnia committeremus, qui corporis & animi causat infirmitates, & solus eas integrè & perfectè curare potest? Vt enim nulla poena, nullusque dolor existit, qui non à Deo procedat: ita quoque nec vi, nec potestate vlla iisdem resistere valemus, præterquam gratia Dei, quæ nunquam deerit nobis, nisi proprie virtuti nimium confidentes, Deoque diffidentes defuerimus illi.

Si Felicitas cum partui proxima ob fidem Christi incarcerata esset, iamque in vinculis parturiens doloris vehementiã vix æquanimiter toleraret, ministri Iudicis ad eam dicebant: Si partus non perfers dolores, quomodo terribilia & inaudita sustinebis, quæ tibi parantur tormenta? quibus illa prudenter & verè diserte respondit: Iam pro me patior; at tunc in me passurus est Christus. De hac sancta in martyrologio Romano 7. Idus Martij, sanctus inquit Augustinus. Quæ cum esset prægnans expectata, iuxta leges, vt pareret, dum parturiebat, dolebat; obiecta feris gaudebat. Reuera etiam



in nobis patitur CHRISTVS, quando virtute ac fortitudine eius vestimur; contra verò in ipso patimur nos quando spiritu eius suffulti, & diuina corroborati sumus gratia. Hinc ait Psalmista: *Tu es, patientia mea Domine*: neque enim patientiam solum nobis commendat ac præcipit Deus, verum etiam hoc ipsum quod præcipit largitur.

*Psal. 70.*

Quocirca dispositioni & voluntati eius perpetuò nos submittamus, & siue prospera, siue aduersa nobis euenerint, oculos semper mentis & corporis in ipsum tanquam in certam aliquam metam, & vltimum laborum nostrorum finem dirigamus, vt ipso duce periculosos huius sæculi fluctus, & horribiles atque furiosas tribulationum, procellas superantes, securi perueniamus ad portum felicitatis æternæ.

(.:)

CAPVT